

განმარტებითი ბარათი

„ლიცენზიებისა და ნებართვების შესახებ“ საქართველოს კანონში დამატების შეტანის თაობაზე“ საქართველოს კანონის პროექტზე

ა) ზოგადი ინფორმაცია კანონპროექტის შესახებ

ა.ა) კანონპროექტის მიღების მიზეზი:

ვინაიდან საქართველოს საბაჟო კოდექსის პროექტი აღარ ითვალისწინებს დროებითი შენახვის ღია საბაჟო საწყობისა და დროებითი შენახვის დახურული საბაჟო საწყობის დეფინიციას, აუცილებელი ხდება ცვლილება „ლიცენზიებისა და ნებართვების შესახებ“ საქართველოს კანონში, რომელიც ითვალისწინებს დროებითი შენახვის ღია საბაჟო საწყობისა და დროებითი შენახვის დახურული საბაჟო საწყობის ნებართვების არსებობას.

ა.ბ) კანონპროექტის მიზანი:

საქართველოს საბაჟო კოდექსის პროექტთან ამ კანონის შესაბამისობაში მოყვანა.

ა.გ) კანონპროექტის ძირითადი არსი:

უქმდება კანონის 24-ე მუხლის 34 პუნქტი, რომელიც ითვალისწინებდა დროებითი შენახვის საწყობის (ღია, ან/და დახურული) საქმიანობის ნებართვას. ამასთან, საქართველოს საბაჟო კოდექსის პროექტი გათვალისწინებული, რომ ასეთი ნებართვის მქონე პირებს, რომელთაც ნებართვა მიღებული აქვთ 2009 წლის 1 იანვრამდე, ნებართვის ვადის ამოწურვამდე მიეცემათ განახორციელონ ნებართვით გათვალისწინებული საქმიანობა, ხოლო ვადის ამოწურვის შემდეგ მიიღონ მხოლოდ საქართველოს საბაჟო კოდექსის პროექტით გათვალისწინებული საბაჟო საწყობებისათვის განკუთვნილი სახის ნებართვა.

ბ) კანონპროექტის ფინანსური დასაბუთება

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო:

კანონპროექტის მიღება არ გამოიწვევს აუცილებელი ხარჯების გამოყოფას.

ბ.ბ) კანონპროექტის გავლენა ბიუჯეტის საშემოსავლო ნაწილზე:

კანონპროექტის მიღება გავლენას არ გამოიწვევს ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე:

კანონპროექტის მიღება არ გამოიწვევს აუცილებელი ხარჯების გამოყოფას.

ბ.დ) სახელმწიფოს ახალი ფინანსური ვალდებულებები:

კანონპროექტის მიღებით არ წარმოიშობა სახელმწიფოს ახალი ფინანსური ვალდებულება.

ბ.ე) კანონპროექტის მოსალოდნელი ფინანსური შედეგები იმ პირობათვის, რომელთა მიმართაც ვრცელდება კანონპროექტის მოქმედება:

კანონპროექტის მიღება არ იქონიებს ზეგავლენას ფინანსურ შედეგებზე.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):

კანონპროექტის მიხედვით გადასახადის მოსაკრებლის ან სხვა სახის განაკვეთების ოდენობის ცვლილება გათვალისწინებული არაა.

გ) კანონპროექტის მიმართება საერთაშორისო სამართლებრივ სტანდარტებთან

გ.ა) კანონპროექტის მიმართება ევროკავშირის დირექტივებთან:

კანონპროექტის მიღება არ ეწინააღმდეგება ევროკავშირის დირექტივებს.

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

კანონპროექტის მიღებით არ წარმოიქმნება საერთაშორისო ორგანიზაციებში საქართველოს წევრობასთან დაკავშირებულ ვალდებულებები.

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან:

კანონპროექტის მიღება არ ეწინააღმდეგება საქართველოს ორმხრივ და მრავალმხრივ ხელშეკრულებებს.

დ) კანონპროექტის მომზადების პროცესში მიღებული კონსულტაციები:

დ.ა) სახელმწიფო, არასახელმწიფო ან/და საერთაშორისო

ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში, ასეთის არსებობის შემთხვევაში:

კანონპროექტის შემუშავებაში მონაწილეობდნენ საქართველოს ფინანსთა სამინისტროს სისტემის თანამშრომლები.

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:

ასეთი არ არსებობს.

დ.გ) კანონპროექტის ავტორი:

საქართველოს ფინანსთა სამინისტრო.

დ.დ) კანონპროექტის ინიციატორი:

საქართველოს მთავრობა.